



24. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Naalakkersuisut ilisimavaat Icelandairip Kulusummut timmisartuussinini unitsinniaraa?**
a) Taamaappat, tamanna qanoq aaqqiivigineqassanersoq pillugu pilersaaruteqartoqarsimava?
- 2. Naalakkersuisut Air Greenlandip Tunumi sullissinera sullissinissamik isumaqatigiissut (servicekontrakt) aqqutigalugu annertusarniarlugu pilersaaruteqarpat?**
a) Taamaappat, qanoq aamma sorlarni tamanna pissava?
- 3. Naalakkersuisut Pilersuisup Tunumi sullissinermut tunngatillugu immikkut ilisimasai pilersuinissamik pisussaaffiup (forsyningspligt) kiffartuussinissamik isumaqatigiissut aqqutigalugu annertusarniarlugit pilersaaruteqarpat?**
- 4. Kulusuk aamma Tasiilaq akornanni qulimiguulimmik angallassinерup taarsiullugu umiatsiamik angallassinermik atuinissamik aalajangiinermut tunngatillugu aningaasaqarnikkut misissueqqissaarnerit suut tunngavigineqarpat?**
a) Naalakkersuisut uppersarsinnaavaat aaqqiissut tamanna qulimiguulimmik angallassinissamut periarfissamik annertusaanermi akikinnerusoq, aammalu ataatsimut isigalugu inuiaqatigiinnut aningaasaqarnikkut naleqarnerusoq?



5. Tunumi najukkani soqutigisaqartut akornanni Naalakkersuisut misissueqqissaarnermik imaluunniit tusarniaasoqarsimava, Icelandairip ilaasuisa Kulusuk aamma Tasiilaq akornanni qulimiguulimmik angallanneqaratik umiatsiamik angallanneqalernissaasa inuussutissarsiornermut sunniutai qulaajarniarlugit?
- 6.
7. Naalakkersuisut Islandip aamma Kulusummi mittarfiup akornanni timmisartuussinerit ikilinerisa inuussutissarsiornermut aningaasaqarnermullu sunniutaat pillugit inuiaqatigiinnut aningaasaqarnikkut kingunerisassanik naatsorsuisimappat, ilanngullugit ukiuunerani takornariaqarnerup, nassiussatigut assartuinerup, kaaviiartitat, suliffiit kiisalu Tunumi akileraarutitigut isertitat annaaneqarnerat?
- a) Aap pineqartillugu, Naalakkersuisut naatsorsuutit taakku tamanut saqqummiunniarpaat? Naamik pineqartillugu, sooq saqqummiunneqanngillat?
8. Naalakkersuisut misissorsimavaat sooq Air Greenlandip nammineq Islandip aamma Kulusup akornanni toqqaannartumik niuerneramik tunngaveqartumik timmisartuussinissamik, ilanngullugu ukiuunerani timmisartuussinerit nassiussanillu assartuineq, ineriartortitsisimannginnersoq, pitsaanerusumik tikikkuminassuseq Tunumi takornariaqarnermik inuussutissarsiornermillu ineriartortitsinermut iluaqutaasinnaagaluartoq?
- a) Taamaappat, inerniliussat suut anguneqarpat?
- b) Taamaanngippat, sooq tamanna misissorneqarsimanngilaq?

(Inatsisartunut ilaasortaq Lars Poulsen, Siumut)

Tunngavilersuut:

Icelandairip Kulusummut timmisartuussinini unitsitsiniarnera Tunup tikikkuminassusaanut, takornariaqarnermut, inuussutissarsiornermut pilersuinerullu isumannaatsuunissaanut annertuumik kinguneqarsinnaavoq. Tamatuma peqatigisaanik paasissutissiissutigineqartut



naapertorlugit Kulusuk aamma Tasiilaq akornanni qulimiguulimmik angallassineq umiatsiamik angallassinermik taarserneqarpoq, tamannalu aalajangiinermut tunngavigineqartut kiisalu inuiaqatigiinnut aningaasaqarnikkut kingunerisassat pillugit apeqqutininik saqqummersitsivoq. Tamanna tunngavigalugu kissaatigineqarpoq Naalakkersuisut nassuiaateqarfigissagaat aalajangiinernut tunngavigineqartut pillugit misissueqqissaarnerit suut ingerlanneqarsimanersut, aalajangiinerit taakku Tunumut qanoq kinguneqarnissaat naatsorsuutigineqarnersut, kiisalu Tunup patajaatsumik angallanneqarnikkut pilersorneqarnikkullu sullinneqarnissaa qulakkeerniarlugu Naalakkersuisut suliniutinik sunik aallartitsiniarnersut.

Apeqqutigineqartut ullut suliffiusut qulit iluanni akeqquneqarput.